

Prvi zamjenik visokog predstavnika posjetio Međunarodni krivični sud za bivšu Jugoslaviju



Prvi zamjenik visokog predstavnika dr. Raffi Gregorian boravio je u zvaničnoj posjeti Međunarodnom krivičnom sudu za bivšu Jugoslaviju (MKSJ) u Hagu od 20. do 22. juna ove godine. Gregorian je imao nekoliko sastanaka, uključujući sastanak sa glavnim tužiocem Sergeom Brammertzom, registrarom Johnom Hockingom, glasnogovornicom Nermom Jelačić, te šefom za istrage Bobom Reidom. Glavne teme razgovora bile su kako dodatno unaprijediti napore da se pomogne Srbiji da locira i uhapsi Ratka Mladića kao i pitanja vezana za istrage i krivična gonjenja ratnih zločina u Bosni i Hercegovini. Prvi zamjenik visokog predstavnika je iskoristio priliku tokom posjete Hagu da prisustvuje jednom dijelu suđenja Radovanu Karadžiću.

Puna saradnja sa Međunarodnim krivičnim tribunalom (MKSJ), uključujući hapšenje bjegunaca optuženih za ratne zločine, je sastavna obaveza Daytonskog mirovnog sporazuma, koja se pojavljuje na prvoj strani ovog sporazuma te kroz cijeli ovaj dokument. «Izvođenje Mladića pred lice pravde i dalje ostaje visoki prioritet za OHR i tako će biti sve dok se Mladić na nađe u Hagu gdje će morati odgovarati za svoja djela, upravo kao što je to sada slučaj sa Karadžićem», izjavio je prvi zamjenik visokog predstavnika Raffi Gregorian.